



ADRODDIAD I FWRDD UCHELGAIS ECONOMAIDD GOGLEDD CYMRU
26 MAWRTH, 2021

TEITL: *Cynllun Twf Gogledd Cymru - Egwyddorion Caffael*

AWDUR: *Hedd Vaughan-Evans, Rheolwr Gweithrediadau*

1. PWRPAS YR ADRODDIAD

1.1. Cyflwyno cyfres o egwyddorion caffael ar gyfer Cynllun Twf Gogledd Cymru.

2. Y PENDERFYNIAD A GEISIR

2.1. Mabwysiadu'r egwyddorion caffael arfaethedig ar gyfer Cynllun Twf Gogledd Cymru.

2.2. Nodi y bydd gofyn i arianwyr y prosiectau ddangos sut y byddant yn cyflawni yn erbyn yr egwyddorion hyn fel rhan o achos busnes y prosiectau.

3. Y RHESYMAU DROS Y PENDERFYNIAD

3.1. Darparu fframwaith clir i brosiectau gyflawni yn erbyn dyheadau Bwrdd Uchelgais Economaidd Gogledd Cymru.

4. CEFNDIR AC YSTYRIAETHAU PERTHNASOL

4.1. Cadarnhawyd cyfres gychwynnol o egwyddorion caffael drafft gan y Bwrdd fel rhan o'r Achos Busnes Portffolio ym mis Hydref 2020 gyda'r bwriad o ddatblygu strategaeth caffael lawn ar gyfer y Cynllun Twf.

4.2. Mae'r Swyddfa Rheoli Portffolio wedi adolygu ei ddull gweithredu gyda chefnogaeth ymgynghorydd caffael ac mae'n cynnig dull gweithredu amgen i gyflawni ein dyheadau yn y maes hwn.

4.3. Caiff yr holl brosiectau o fewn Cynllun Twf Gogledd Cymru eu cyflawni gan arianwyr prosiectau sydd â'u polisiau a'u gweithdrefnau caffael sefydledig eu hunain. Gellir cyflawni'r prosiectau rhanbarthol sydd i'w cyflawni gan y Swyddfa Rheoli Portffolio drwy bolisiau a gweithdrefnau caffael Cyngor Gwynedd fel yr awdurdod lletya.

4.4. Felly, mae'r Swyddfa Rheoli Portffolio yn cynnig bod y Bwrdd yn mabwysiadu'r egwyddorion caffael diwygiedig sydd wedi'u nodi yn **Atodiad 1**. Mae'r egwyddorion hyn yn cynrychioli esblygiad o'r rhai a fabwysiadwyd yn flaenorol gan y Bwrdd fel rhan o'r Achos Busnes Portffolio ac maent yn seiliedig ar egwyddorion caffael sector cyhoeddus cydnabyddedig ac yn cyd-fynd yn glir â Deddf Llesiant Cenedlaethau'r Dyfodol.

4.5. Mae'r themâu a'r egwyddorion diwygiedig wedi'u nodi isod (gweler Atodiad 1 am fanylion pellach):

- **Arweinyddiaeth Ranbarthol ac ymagwedd strategol**

- Strategol
- Hyrwyddo
- Cywirdeb

- **Ychwanegu Gwerth**

- Gwerth Cymdeithasol
- Sgiliau, Swyddi a Chyfleoedd
- Arloesol
- Cydweithredol

- **Cynaliadwy**

- Cefnogi'r Gadwyn Gyflenwi Leol
- Newid Hinsawdd ac Ecolegol
- Moesegol
- Effeithlon ac Effeithiol

- **Teg, Cyfreithiol a Chydsyniol**

- Cydsyniol
- Heb Wrthdaro
- Tryloyw

4.6. Mae'r egwyddorion uchod yn rhoi ffocws clir ar gynaliadwyedd, gan sicrhau gwerth ychwanegol drwy gaffael a chydymffurfio ac arfer gorau.

4.7. Er nad yw sicrhau'r gwerth gorau a'r gwerth am arian wedi'u nodi'n benodol yn yr egwyddorion uchod, dylid nodi'r amcanion caffael cyhoeddus cydnabyddedig hyn a byddant yn ystyriaeth allweddol i bob prosiect a noddwyr eu prosiectau. Yn arbennig o ystyried y bydd prosiectau'r Cynllun Twf yn cael eu hariannu o gyllidebau sefydlog. Felly, mae'r ffocws yma drwy'r egwyddorion hyn ar feysydd eraill nad ydynt efallai wedi'u cynrychioli mor gryf mewn polisiau partneriaid a gweithdrefnau sy'n bodoli eisoes.

4.8. Unwaith y cânt eu mabwysiadu, byddai'r egwyddorion yn cael eu cyfathrebu i holl arianwyr y prosiectau a bydd gofyn iddynt ddangos eu bod yn cyflawni yn erbyn yr egwyddorion hyn fel rhan o achosion busnes y prosiectau.

5. GOBLYGIADAU ARIANNOL

5.1. Dim.

6. GOBLYGIADAU CYFREITHIOL

6.1. Dim goblygiadau cyfreithiol uniongyrchol. Mae'r egwyddorion caffael yn rhoi ffocws cryf ar gydymffurfio. Bydd gofyn i Arianwyr y Prosiectau ddangos bod eu llwybr caffael arfaethedig ar gyfer y prosiectau, yn cynnwys eu polisiau a'u gweithdrefnau eu hunain, yn cydymffurfio â'r holl reoliadau caffael perthnasol.

7. GOBLYGIADAU STAFFIO

7.1. Dim.

8. EFFAITH AR GYDRADDOLDEB

8.1. Mae'r egwyddorion caffael yn cynnwys ffocws cryf ar ychwanegu gwerth drwy gaffael, yn benodol drwy gyflawni gwerth cymdeithasol a chreu sgiliau a chyfleoedd cyflogaeth i grwpiau sy'n anodd eu cyrraedd a'r rheini mewn ardaloedd difreintiedig. O ganlyniad, ystyrir y byddai'r egwyddorion yn cael effaith gadarnhaol ar gydraddoldeb.

8.2. **Deddf Llesiant Cenedlaethau'r Dyfodol (Cymru) 2015** – Mae'r Ddeddf yn gosod dyletswydd ar gyrff cyhoeddus yng Nghymru i wella llesiant economaidd, cymdeithasol, amgylcheddol a diwylliannol. Mae egwyddorion y Ddeddf wedi bod yn ystyriaeth greiddiol wrth baratoi yr Egwyddorion Caffael. Bydd eu gweithredu yn sicrhau fod yr egwyddor o ddatblygiad cynaliadwy fel y darperir ar ei gyfer yn y Ddeddf yn cael ei adlewyrchu yn y prosesau ac allbynnau caffael.

9. YMGYNGHORIADAU A GYNHALIWD

9.1. Trafodwyd a chytunwyd ar yr egwyddorion caffael yn y Grŵp Cefnogaeth Weithredol (Bwrdd Portffolio) ar 12 Mawrth, 2021.

ATODIADAU:

Atodiad 1 Egwyddorion Caffael Arfaethedig

YMATEB Y SWYDDOGION STATUDOL:

i. **Swyddog Monitro - Awdurdod Lletya:**

“Mae sefydlu egwyddorion ar gyfer yr hyn a ddisgwylir mewn prosesau caffael yng nghyddestun y Cynllun Twf yn gam cadarnhaol. Mae'r egwyddorion yn cyfrannu at greu y fframwaith asesu sydd yn arwain at adnabod y tendr mwyaf economaidd manteisiol ar gyfer cytundeb benodol. Maent yn gyfrwng i gefnogi trosglwyddo egwyddorion ac amcanion y Bwrdd Uchelgais yn effeithiol i'r disgwyliadau ar Noddwyr Prosiect.”

ii. **Swyddog Cyllid Statudol (Swyddog Adran 151 yr Awdurdod Lletya):**

“Tra gall fod ymhlygiadau ariannol ymylol o weithredu'r egwyddorion caffael arfaethedig ar draws holl brosiectau'r Bargaen Twf, rhaid cyflawni'r prosiectau hynny o fewn eu hadnoddau cyfyngedig. Mae paragraff 4.7 o'r adroddiad yn nodi'r cyd-destun anochel fod rhaid sicrhau 'gwerth gorau' a 'gwerth am arian' ochr yn ochr â'r egwyddorion dyheadol eraill a nodir ym mharagraff 4.5 ac Atodiad 1. Efallai bydd yr aelodau awydd nodi'r angen hanfodol i sicrhau gwerth am arian wrth fabwysiadu'r egwyddorion caffael arfaethedig.”